



ADVANTIS NEWSLETTER

Izdanje br. 43



Poštovani klijenti i partneri,

Pred vama je **43. sedmično izdanje** Advantis Newslettera.

Tržišta se brzo mijenjaju i pružaju mnogo investicionih mogućnosti, a pravi rezultati dolaze samo onima koji znaju **gdje, kada i kako** investirati. Upravo zato u svakom izdanju donosimo svježije informacije, ideje i zanimljive investicione priče.

Hvala vam što čitate i podržavate naš rad.

Srdačno,

[Advantis Broker tim](#)



U ovosedmičnom izdanju pročitajte:

- ✓ Korporativni kalendar za sedmicu pred nama
- ✓ Glavni ekonomista Apola upozorava: Fiskalni deficit i inflacija podsjećaju na naftne šokove 70-ih
- ✓ Nvidijin rival Cerebras: jedan od najvećih tehnoloških IPO u istoriji
- ✓ Žito grupa od Fortenove kupila Zvijezdu
- ✓ Krka ostvarila rekordnu operativnu dobit u prvom kvartalu 2026.
- ✓ Investiciona ideja: Warming Surfaces
- ✓ STARTER 4: Startup konferencija 30. maja u Banjaluci
- ✓ MKD PRODEST: u petak počinje upis i uplata obveznica iz pete emisije
- ✓ Prvo Penzionersko MKD: Dividenda od 1,1781 KM po akciji, isplata počinje 4. juna

Korporativni kalendar za sedmicu pred nama

U ovoj sedmici očekujemo kvartalne rezultate sljedećih kompanija:

Utorak, 19.05.2026 – Home Depot (HD)

Srijeda, 20.05.2026 – Nvidia (NVDA)

Četvrtak, 21.05.2026 – Walmart (WMT), Deere&Co (DE), Generali (BIT:G)

Kada je riječ o regionalnim berzama, na **Ljubljanskoj berzi** u srijedu, 20. maja očekujemo rezultate poslovanja CINKARNA CELJE, POZAVAROVALNICA SAVA i ZAVAROVALNICA TRIGLAV za prvi kvartal 2026. godine, a dan kasnije svoje rezultate će objaviti LUKA KOPER.


Na **Bečkoj berzi**, u srijedu očekujemo rezultate CA IMMOBILIEN ANLAGEN AG, a u četvrtak SCHOELLER-BLECKMANN OILFIELD EQUIPMENT AG.

[!\[\]\(a870788d6ed9b8fd294b7654a8c8526b_img.jpg\) Korporativni kalendar](#)

Glavni ekonomista Apola upozorava: Fiskalni deficit i inflacija podsjećaju na naftne šokove 70-ih

Torsten Slok, glavni ekonomista Apollo Global Management, jednog od najvećih upravljača imovinom na svijetu je u svom newsletter-u dao analizu kretanja inflacije tokom prvog i drugog naftnog šoka 70-tih godina poredeći situaciju sa trenutnom, za koju kaže da nije obećavajuća, te da zajedno sa velikim fiskalnim deficitom može dovesti do ubrzanja inflacije.

Comparing inflation today with the 1970s



Nvidijin rival Cerebras: jedan od najvećih tehnoloških IPO u istoriji

Cerebras Systems, Silicon Valley kompanija koja pravi čipove za vještačku inteligenciju, ostvarila je, prošle sedmice, jedan od najvećih tehnoloških IPO-a u istoriji. Već prvog dana na berzi, Cerebras je vrijedio skoro 100 milijardi dolara, što je svrstava u rang koliko su Meta i Alibaba vrijedili u trenutku svog izlaska.

Cerebras ne pravi klasične Nvidiine GPU čipove, već takozvane ASIC čipove (application-specific integrated circuits), specijalizovane procesore optimizovane za specifične zadatke.

Ključna promjena u AI industriji koja pogoduje Cerebrasu jeste prelazak s treniranja na inferenciju, odnosno fazu u kojoj AI donosi odluke na osnovu novih podataka, bez da više uči iz

istorijskih. Za taj zadatak nisu potrebni skupi čipovi Nvidie, što otvara prostor za jeftinija, specijalizovana rješenja.

Kompanija je već osigurala značajne partnere: OpenAI je u januaru potpisao cloud ugovor vrijedan 20 milijardi dolara, a Amazon Web Services koristi Cerebrasove čipove u svojim data centrima. Potražnja toliko premašuje ponudu da su, kako navodi CFO kompanije, rasprodani do 2027. godine.

Uspješan IPO Cerebrasa otvara put i drugim ASIC startupovima poput SambaNovi, D-Matrixu i južnokorejskom Rebellionsu koji se pripremaju za vlastite izlaske na berzu u narednom periodu.

[Više](#)

Žito grupa od Fortenove kupila Zvijezdu

Društvo Žito d.d. je postalo vlasnik 100% udjela u društvima Zvijezda Plus d.o.o. i Zvijezda Podjetje za notranjo in zunanjo trgovino, d.o.o., Ljubljana.

Preuzimanjem Zvijezde u Hrvatskoj i Sloveniji, **Žito grupa dobija tri snažna regionalna branda: Zvijezdu, Margo i Omegol, među kojima se upravo Zvijezda ulje i majoneza dugi niz godina pozicioniraju kao brand broj jedan na tržištu Hrvatske**, uz visoko tržišno učešće na ostalim tržištima regije.

Kupoprodajna cijena iznosi 94,06 miliona evra, a moguće su dodatne korekcije kupoprodajne cijene u narednom periodu. Nakon uključene finansijske imovine i obaveza društava koja se preuzimaju, vrijednost transakcije iznosi 115,72 miliona evra. [Više](#)

Krka ostvarila rekordnu operativnu dobit u prvom kvartalu 2026.

Krka Grupa je završila prvi kvartal 2026. godine s prihodima od 565,8 miliona evra i operativnom dobiti od 151,6 miliona evra.

Prodaja proizvoda i usluga porasla je za 8%, uz rast na većini tržišta i u gotovo svim kategorijama, izuzev proizvoda bez recepta. Neto dobit za **kvartal** iznosila je 121 milion evra, što je druga najviša u istoriji kompanije.

S druge strane, pad od 21% na **godišnjem nivou** rezultat je visoke baze prošlogodišnjeg finansijskog rezultata, dok u poređenju s prosječnim kvartalom prethodne godine neto dobit bilježi rast od 20%.

U kvartalu su lansirana četiri nova proizvoda, uključujući tri lijeka na recept i jedan veterinarski preparat. Kompanija nastavlja intenzivne investicione aktivnosti u Sloveniji i inostranstvu, a ulaganja u istraživanje i razvoj dostigla su 51,4 miliona eura.

Uprava i Nadzorni odbor predložili su isplatu bruto dividende od 9,10 evra po akciji za 2025. godinu, što je rast od 10% na godišnjem nivou. O prijedlogu će akcionari glasati na skupštini zakazanoj za 9. jul 2026. godine. [Više](#)

Investiciona ideja: Warming Surfaces

Predstavlja: Michael Kott, Family Office CM-Equity AG

Michael Kott je bio keynote govornik na našem Advantis Investicionom Forumu 2024, gdje je govorio o svojoj filozofiji ulaganja u kompanije u ranoj fazi razvoja, megatrendovima i ulaganju u ljude. Njegov dugogodišnji partner Andreas Luksch nastavio je tu priču na Forumu 2025, gdje je detaljno prezentovao logiku ulaganja u rudarske kompanije i konkretne investicione prilike koje zajedno prate.

Michael je sa nama podijelio nekoliko svojih trenutnih investicionih prilika koje predstavljamo u ovom i narednim izdanjima.

Podsjećamo, u prethodnim izdanjima smo predstavili Ynvisible Interactive Inc., T2 Metals i Pinnacle Silver and Gold. U ovom izdanju predstavljamo kompaniju **Warming Surfaces**.

Fokus: Pametno radijantno grijanje

Private equity kompanija Warming Surfaces je finski deep-tech startup iznikao iz prestižnog istraživačkog instituta VTT, koji je temeljno redizajnirao način na koji grijemo prostore. Njihova patentirana tehnologija **Halia™** pretvara namještaj i unutrašnje površine u pametne, nevidljive radijantne panele za grijanje dakle toplota koja se stapa s prostorom, bez vidljivih elemenata i bez rasipanja energije.

Grijanje čini čak 64% potrošnje energije u evropskim domovima, a tradicionalna rješenja, posebno vanjski grijači na terasama, su neučinkovita. Halia™ nudi alternativu: toplotu tačno tamo gdje je potrebna i tačno kada je potrebna. Kompanija svoju tehnologiju lansira kroz proizvod koji zagrijava terasne stolove, eliminišući potrebu za konvencionalnim vanjskim grijačima. [Više](#)

STARTER 4: Startup konferencija 30. maja u Banjaluci

STARTER je konferencija koja okuplja osnivače, mentore i ljude iz startup svijeta na jednom mjestu. Ovogodišnje, četvrto izdanje STARTER konferencije održava se **30. maja 2026. godine u Banjoj Luci**, u Lanaco konferencijskom centru.

Konferencija je nastala iz jednostavnog problema: ako ste osnivač ili imate ideju, nemate gdje otići po iskren savjet kako napraviti prvi pitch, kako razgovarati s kupcem, ili kako izbjeći greške koje su drugi već napravili. Jednom godišnje konferencija okuplja govornike koji su već prošli taj put i budu za istim stolom s ljudima koji tek počinju.

Uz predavanja, program uključuje mentorske sesije, networking, a ove godine i **Mini Pitch** tj. priliku za startupe iz BiH da se predstave pred iskusnim žirijem.

Više informacija i ulaznice na starter.ba.

MKD PRODEST: u petak počinje upis i uplata obveznica iz pete emisije

[MKD PRODEST d.o.o. Banja Luka \(MKD\)](#) petom emisijom obveznica, javnom ponudom na Banjalučkoj berzi, emituje 1.500.000 obveznica, pojedinačne nominalne vrijednosti 1,00 KM, ukupne nominalne vrijednosti emisije 1.500.000,00 KM.

Dospijće emisije je **3 godine** od dana registracije obveznica iz emisije u Centralnom registru hartija od vrijednosti a.d. Banja Luka.

Kamatna stopa iznosi **8,00%** na godišnjem nivou. Glavnica i pripadajući dio kamate isplaćivaće se u **jednakim mjesečnim anuitetima** (36 anuiteta).

Obezbjedenje su **mjenice** Društva.

Upis i uplata počinju u **petak, 22.05.2026. godine**.

Više informacija o emitentu, obveznicama, načinu kupovine je dostupno u [Javnom pozivu za upis i uplatu obveznica](#) i [Jedinstvenom prospektu](#).

Prvo Penzionersko MKD: Dividenda od 1,1781 KM po akciji, isplata počinje 4. juna

Odlukom skupštine akcionara Prvog penzionerskog MKD a.d. Banja Luka, usvojenom 6. maja 2026. godine, odobrena je isplata dividende u ukupnom iznosu od 1.295.860 KM, što iznosi 1,1781 KM po akciji.

Ključni datumi za akcionare:

- **Datum presjeka prava na dividendu:** 27. maj 2026.
- **Početak trgovanja bez prava na dividendu:** 26. maj 2026.
- **Početak isplate dividende:** 4. jun 2026.

Dividenda se isplaćuje u novcu akcionarima Prvog penzionerskog MKD koji imaju taj status na dan 27. maj 2026. godine. [Više](#)

 **Razgovarajte sa nama**

July
17

Rezervišite besplatne konsultacije

 **Prosljedite prijateljima...**

Smatrate da bi ovaj Newsletter koristio i drugima? Prosljedite prijateljima:

Prijavite se na Advantis Newsletter

VAŽNE NAPOMENE

Advantis Newsletter je publikacija koja je sačinjena u informativne svrhe i sadrži selektivni prikaz podataka tj. odabrane berzanske indekse, sektore, kompanije i finansijske instrumente te takvi podaci ne predstavljaju prijedlog za ulaganje niti investicijsku preporuku.

Publikacija je sačinjena na način da ne uzima u obzir posebne investicijske ciljeve, ograničenja, finansijsku situaciju ili druge potrebe bilo kojeg klijenta ili potencijalnog klijenta.

Ova publikacija koristi javno dostupne podatke, vijesti i analize koje objavljuju odabrani relevantni izvori kao što su na primjer Bloomberg i CNBC. Iako smatramo da su navedeni podaci pouzdani, ne garantujemo za njihovu tačnost, potpunost ili pravovremenost.

Objavom ove publikacije Advantis Broker a.d. Banja Luka ne snosi nikakvu odgovornost za posljedice ili za eventualnu štetu nastalu korištenjem objavljenih podataka.

Klijenti i potencijalni klijenti se posebno upozoravaju da istorijska kretanja vrijednosti pojedinog berzanskog indeksa ili cijene finansijskog instrumenta nisu indikativni za buduće rezultate, odnosno da u budućnosti mogu značajno varirati. Vrijednost ulaganja i prinosi koji proizlaze iz investicije mogu se kako smanjiti tako i povećati. Budući prinosi nisu zagantovani, a investiranje u finansijske instrumente može za posledicu imati čak i gubitak glavnice.

Ova publikacija ne mora sadržavati sve podatke i informacije koje klijentu ili potencijalnom klijentu mogu biti potrebne za donošenje informisane investicijske odluke te može pružati samo ograničen pogled na pojedino tržište.

Sjedište društva Advantis Broker a.d. Banja Luka je u Banjaluci, Krajiških brigada 113, a društvo posluje pod nadzorom Komisije za hartije od vrijednosti Republike Srpske.

Ova publikacija se ne smije reprodukovati, distribuirati ili objavljivati bez obzira na namjeru, bez prethodnog izričitog odobrenja Advantis Broker a.d. Banja Luka.



Advantis Broker a. d. Banja Luka

Krajiških brigada 113, Banja Luka, Bosna i Hercegovina

www.advantisbroker.com

To unsubscribe, click on the link

[Unsubscribe](#)

